

Ч. 34. (69.) Крыница, четверг дня 12. вересня (30. серпня) 1935. Рок II.



Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко” Крыница.

Всіх читателів, котрі не ввели ще пренумерати, просимо вирівняти якнайскорше рахунки.

Також просимо присилати членські вкладки до Лемко-Союзу.

Присылайте материял до календара Лемка НА 1936 Р.

Каждый с нас знає, же найбільше потребном книжком єст добре составлений календар. Єст то звычайно книжка недорогога, в котрой находит ся много интересных и пожиточных відомостей. В календарах Perezначеных на село повинен находить ся передовсем материял с рольного господарства, о хові живины, управі нивы, о садовостві, домашном промыслі, о житю культуральном и экономичном села и т. д. и т. д.

Штобы такой календар составить интересно, треба мати конечно потребный материял, котрый могут дати лем поодыноки села. Вшитко, што діє ся на селі, адже: житє читальняне и кооперацийне, опис сел, церквей, школ, народных домов, рік, гор, дорог, поданє числа жителей и числа дітей в школі, число членов читальні, и кооператыва, явят ся при составляню календара барз важным материялом.

Не треба ся силити на долги описы, подати вшитко коротко, але звязло и зрозуміло.

В дакотрых селах найдут ся интересны старинны документи, стары иконостасы, образы и різы, найдут ся также легенды и оповідання о печерах, скалах и горах. Фотографии таких иконостасов, образов, печер, скал, гор, читалень, аматорских кружков, хоров, церквей, школ, кооперативных домов дадут прекрасный и різнообразный материял, котрый выданный разом в одной книжці, зробит тоту книжку интересном и цінном.

Кус того материяла остало с прошлого року, але єст єго мало, тому просимо всіх наших читателей и симпатиков присилати всякы информации як найскорше. Просимо также присилати редакции всякы увагы и желаня, котры будут в границах возможности увзгляднены.

Материял просимо присилати скоро, бо в том році хочеме выпустити календар уж с початком грудня.

Лем втотчас, коли в составленю того календара приймеме всі участь, коли найде ся в нем хоч пару слов о каждом селі, буде он мог заинтересовати каждого.



Посылайме наши діти до фаховых школ.

В попередном числі Лемка поміщено коммуникат о признаню сумы 7 миллионов злотых на будову и устройство молочарень в цілі розвита молочарского промысла. Тото зарядженє дає можность закладати по селах молочарні и тым самым поднести доходы с господарств рольных. Справа молочарства єст важна, особенно в селах горских, бо коли на долах господар може ратовати ся продажом зерна, котре єст головным жерелом єго дохода, то в горах газдове каждого року купуют зерно и то переважно за гроши, одержаны за дєрево с лісов. Лісы однак сут уж так перерубаны, же в коротком часі не буде в них дерева не лем на вывоз, але и на власну потребу, тому треба доконче оглядати ся за иншим жерелом дохода, а тым може быти в горах лем рационально ведена господарка выпаса живины и розвиненый промысл молочарский.

Штобы однак молочарство давало нам добры доходы, не выстарчит лем основати в том, або другом селі молочарский кооператив, але треба доконче мати фахово вышколених людей, котры бы вели тоты


молочарні, знали ся на виробі масла и сыра и уміли переводити купецку калькуляцію. Таких фаховых людей у нас ніт, а без них молочарский промысл не розвине ся, хоч бы мы мали и молочарні и якнайбольше молока. Прото остає нам лем одно, а именно отдавати наши діти до школ фаховых-рольно-молочарских.

В наших сторонах єст така рольна школа в Лососині в повіті лимановском и в Суходолі в пов. короснянском.

В той школі учат ся хлопцы и дівчата теорытично и практично господарства рольного, молочарства, сыроварства, переробу рольных продуктов на промысловы (выроб овощовых вин и т. д.) и веденя торговельных книг.

Як нам відомо, тепер трудно єст достати даяку посаду по уконченых школах. Люды, котры покончили гимназии и университеты, сидят в дому и не могут дождати ся куса хліба. Тот хліб достане однак каждый, кто отбуде науку в школі рольной и достане єго у себе, медже своима людми. При розвиваючом ся промыслі молочарском ище барз долги літа буде великий строс на абсольвентов рольных школ, котры кромі веденя молочарских кооперативов, принесут людям по селах велику користь, яко инструкторы рольны.

Прото школы рольны дают добры виды практичны абсольвентам тых школ, а родичей повинно заохотити также и тото обстоятельство, же повітовы рады дают субвенции ученикам тых школ.



ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО”

Религійне життя в Світах.

„Православная Русь“, яка виходить во Владимиріві та Чехословаччині в своєму Ч. 16-том подає інтересні дописи о релігійному житті в Світах. С дописей тих видно, же народ помімо переслідовань єст дальше релігійним ходит до церквей и жадат от учителей, шtbody они учили их дітей также закона Божого. Для лучшей орієнтації, як смотрят совітські власти на діла церкви и религии, подаєме за газетом „Православная Русь“ слідуєчи дописи:

Школяры в церкви.

Дня 27. квітня городські власти міста Сухиничи спостерегли групи ідучих школярів. Всі они ишли в сторону незамкненої церкви. Спытали ся: Откаль? Со села. Где? До церкви. Велика субота. Будут читати „Діянія“, а там и пасхальна заутреня. В уздах яйця, сыр, пасочки — треба освятити.

Власти рішили покарати учителя, котрого нашли в церкви. Начало ся слідство. На слідстві вышли на яв інтересні подробности. Учитель зависит от сельской рады (сельсовета) а сельсовет от общества. Власти в поодиноких місцевостях мусят однак числити ся с тим, же в совхозах и колхозах народ отпочиват в часі церковних праздников, бо як там гварят: „віры лучше не рушати, бодай лем робили. Пошто с народом собачити ся без потреби“.

Учитель тот учил на жаданє родичей молодежи в школі науки религии и молитвы. К ответственности привлекли начальство народного образования (нарообраза), котрый однак отвітил, же треба цінити учителей, котры уміють ладити с народом.

Из совітських газет видно, што таких учителей, котры, не оглядаючи ся на нич, „ладят с народом“ и против волі властей, вховують дітей в духу релігійном, єст што раз вещь.

ЭКСПЛОАТАЦИЯ КЛАДБИЩ.

Предсідатель Симферопольского городского Совета и управитель коммунального хозяйства рішили ратовати городску касу продажом намогильных каменей, сіток, гробниц и иншого цментарного маєтка. В коротком часі вшитки цментеры стали ся жерелом легкого дохода. Дакотры улицы выложили плитами, на котрых видно написи: „Мир праху“ — „Похороненый“... „Вічная память“ и т. д.

Розбито также цілий ряд мрамурных памятников, роботы итальянских артистов. Всі гробницы отворены и подлежат розборці. Така сама участь постыгла также жидовскы кладбища.

Безбожна власть не щадит нич, навет спокая мертвых.



Вчийме ся от жидов!

У нас барз часто встрічаєме ся с наріканєм на вызыск со стороны жидов. Жидам то добре, гварит неоден, они мають свои касы, где лем посмотриш, всяди видиш жидовскыи склеп, они, хоц и найбіднійши, печут собі на сабат булку, ріжут курку и т. д., а наш хлоп іст курку лем втотчас, як он сам хворый, або, як кура хвора.

Видиме, як жиды торгуют, іздят, одівають ся, але, як они доходят до маєтка и силы, того неоден не знає. Мало єст межде нами людей, котры знают о том, якы товариства мають жиды и як они помагают собі вваимно.

Одним с таких товариств єст добродійне товариство „Dwugtoszówka“. Членом того товариства єст каждая жидовска родина, котра платит на цілі того товариства по 2 гроши тыжднево. Ціль того товариства єст помагати своим членам: оідным вдовам, сиротам, бездомным, ученикам в тяжких случаях, платити хворым лікаря, шпиталь, лікы, похороны и т. д.

Рочный биланс того товариства выносит в приходах и расходах сотки тысячей, хоц, як уж выше сказано, вкладка одного члена выносит 2 гроши тыжднево. В том товаристві члены руководят ся братском любовью, дисциплином и товаришеским солидарностью. Мають жиды и кредитны кооперативы дробных купцов. Членами такоого кооператива сут бідны купцы, перекупки, страганяры и такы, котры розносят свой товар по домах. Вшиткы они бідны, не можуть робити великих вкладов, тож вкладка (уділ) єст мала, всего 10 зл., розложена на долгомісячны раты. Здавало бы ся, же такой кооператив не буде мати отвітного капитала до оборота. Тымчасом єст иначе. Тот кооператив обертат великими сумами. Откаль их бере? Ци може жидовскы богачи помагают им своина капиталами? Ні! Богачи всіх народов сут до себе подобны. Вшиткы они сут самолюбны, бідака мають за нич и бідакови не помагают. Такы самы сут и жидовскы богачи. Они думают лем о дальшом коплєню капиталов и вызыскуют бідаков-жидов, як лем того ся им удаст. Гроши оборотовы бере кооператив от своих членов-бідаков, котры найменший грош уторгованный, заработанный, заощаженный, если его не можна уживати того самого дня с користью, относят каждого дня вечером до кооператива, шtbody тот грош ани оден день не лежал в скрині безужиточно.

Тож каждого дня вечером в кооперативі єст шум, як в улю. Тот приносить 10 гр., тамтот 1 зл., третій 50 гр., инший 20 або 30 зл., каждый тилько, килько одного дня уторговал, заработил, або заощадил. С тих малых сум робят ся десятки, сотки и тысячи, котры заряд кооператива розділят межде потребующих. Тому потреба грошей на товар, тамтот має выкупити вексель, инший инши выдаткы и каждый член може зратовати ся в случаю потреби и достати низкопроцентну пожичку.

Видиме с того, же не потреба капиталистов на основанє банка, не потреба также и того, шtbody кто вплачал великы сумы, потреба лем доброй волі и вытревалости.

Порахуйме для приміра, килько было бы так грошей в Лемковском Банку, як бы так вшиткы лемкы рішили заложити такой банк и вшиткы до него вписали ся яко члены.

По статистичным даным на терені, населеном лемками, жиє понад 250.000 людей. Оден уділ выносит также по 10 зл. сплачаый в ратах по 50 грошей місячно в продолженію 20 місяцов. Уж по вплаченію першой раты банк мал бы до распорядимости 125.000 зл. а по вплаченію цілого уділа, банк распоряджал бы сумом 2½ миллиона злотых. Єст то уж величезна сума, котром каждый мог бы ся в случаю потре-

бы зратовати. Правда, біда, бо біда, але при доброй волі, при завзяті и отмовленію собі дакотрых приємностей, можна ище и в тих тяжких часах оощадити 50 грошей місячно.

Можна и повинно ся тото зробити тым больше, же часы сут днеска тяжкы, але не знати, ци не буде ище планше и ци тот заощаженный днеска грош не придаст ся нам самым и нашим дітям.

Хотячи жити и розвивати ся культурально, мусиме сотворити економичный фундамент, котрый [кромі користей, плывучих нам с уділяня низкопроцентных пожичок, даст также занятє в касі многым нашим людям, а с приходов може помагати нашої учачой ся молодежи.

Тых пару слов поддаю под розвагу почтенным читателям Лемка. Я уж сам старый, и мені уж недуже потреба, але сой думам, же така лемковска каса принесла бы нам великы користи. Прото прошу заинтересовати ся том справом и высказати ся о ней в газеті Лемко.

Гриц с горбка.



Очи цілого світа сут звернены на Женеу.

В середу, дня 4. вересня начала ся сесия Рады Лиги Народов в атмосфері незначного отпруженя, вызваного через анульованє концесии нафтовой. Отпруженє тото однак не тревало долго. Уж перше засіданє, на котром делегат Италии выголосил барз острую бесіду, жадаючи выключєня Абисинии с Лиги Народов, дає достаточны доказательства, же Лига найде ся перед великими трудностями.

Перебіг сесии Лиги

По открытію засідання забрал перший голос министр английскый, Иден, котрый представил коротко перебіг конференции парижской и пригадал торжественне приреченє недопущаня до войны. Очи цілого світа — сказал он, сут звернены тепер на Лигу и если она заведе, то втратит цілый авторитет. Министр французскый, Ляваль высказал ся, же правительство французске выказало и выказує добру волю и привязанє до діла порозумленя и авторитету Лиги. И тепер надіє ся он, же удаст ся уладити угово до спор итальянско-абисинскый.

По нем бесідовал барон Алоизи, котрый в своей бесіді высказал безкомпромисовое становиско италии. В бесіді сказал он, што Абисиния єст краєм розбойничих банд, што там царит страшне невольничтво и што она не може засідати в Лигі Народов межде культурными народами. Италия — гварил он — мусит мати свободну руку в приміненію всяких средств, якы будут потребны до обезпечєня колонии и пошанованя діл итальянских со стороны Абисинии.

В виду такой острой бесіды, яку высказал делегат Италии, трудно буде обійти ся без войны, тымбольше, же, як подають газеты, войска итальянскы уж перешли границу абисинску и начали воєнну кампанию.



СТРАШНА БУРЯ НАД ФЛОРИДОМ.

Над полуостровом Флорида, где находится много купельных местностей, до которых приезжают богачи американские, шаліл в минувший понедельник страшный ветер, который уничтожил целый полуостров.

Всякая коммуникация с местностями, уничтожена ураганом, есть перервана в виду уничтожения дорог, железнодорожных торов и проводов телефонных.

Оден с американских журналистов, который перелетел самолетом понад потерпевшими теренами, заявил, же уничтожение есть окружное. Видит ся всяди повалены и повырываны с корнями дерева и телеграфические столбы. Цілы огороды повалены. С домов остались руины и купы поломанных бельок и дощок. На берегу моря лежат разбиты лодки и корабли.

Величезны втраты в людях не дадут ся на разі обчислити. Бесідує ся о перешло тысячі людей убитых.

ЗЛУЧЕНЕ ТРОХ ГАЛИЦЬКИХ ВОЄВОДСТВ.

В политических кругах Варшавы закупают, же зараз по выборах правительство приступит до розглянення проекта скасування воєводства станиславовского и тарнопольского. Воєводства тоты мають быти прилучены до воєводства львовского. В Станиславові и Тарнополі остались бы лем вице-воєводы. Часть воєводства львовского, а именно повіты: леський, сяноцкий и короснянский мають быти по тому самому проекту выключены с львовского воєводства и включены до воєводства краковского. Воєводою воєводства львовского, котре в случаю злучения тых трох воєводств, обнимало бы землі праві цілою довоєнною Галичини всходной, має быти бывший маршал сейма, д-р Казимір Свистальский.

ДОЧКА ЦАРА НИКОЛАЯ II. ЖИЄ?

На Шлеску жиє Татиянна Родищев-Меншев, котра подає себе за дочку последнего царя России, Николая II. Она чудом спасла себе от різні цілою царской родины. Графиня Родищев, котра была свідком різні царя и его родины, подтверждает слова Татиянны.

РОЗБИВАЮТ КЫТАЙСКИЙ МУР.

Держава кытайская есть от полночи обведена муром. Мур тот походит с барз давних часов. Оповідает, што на 200 літ перед Христом выбудовал тот мур цисар Илюанг Ти, штобы забезпечити свою державу перед кочующими племенами. Мур тот будовало 300 тысяч людей через 15 літ. В нем есть больше камня и цеглы, як во вшитких будынках в Англии и Ирландии. Давно мал он 20.000 оборонных веж. Має он 3.000 километров долины, ширина при основі выносит 7 1/2 метра, а высота 4 1/2 до 9 метров, в зависимости до терену.

Тепер тот мур разбирают, а цеглу и камені уживают на будову державных будынков.

КИЛЬКО ЄСТ ВЯЗНИЦ В ПОЛЬЩІ

Як подає послідна статистика, в Польщі есть 341 вязниц, в том числі 5 выхававчих заведений. В 116 вязницах есть 302 варстаты труда. В вязницах есть 146 библиотек. При конці р. 1934. было в вязницах 55.895 вязников и так: в окрузі варшавского апелляционного суда 11.495, в окрузі люблинского суда 6.354, в выленской апелляции 7.467, в познанской 11.233, катовицкой 2.380, в краковской 8.039, в львовской 8.927.

Во всіх вязницах переполнение, котре доходит пересічно до 420% в пропорции до числа місц. В окрузі люблинского апелляционного суда переполнения есть найвекше и доходит до 960%, а в окрузі апелляционного суда катовицкого есть оно наименше, лем 220%.

ТРЕТА ЧАСТЬ НА ПОДАТКИ И НАЛОГЫ.

Польская газета: „Bunt Młodych” в статі: Проблема, котру не можна рішити” подає, же экономическое положение поодынокых людей в Польщі есть тяжке. В том часі, коли в Америкі пересічно оден человек зарабатывал в 1933 р. рочно 2665 злотых, во Франции — 2300, в Англии — 1760, в Німеччині 1272, то в Польщі лем 270 зл. Тоты цифы показывают, же в Польщі есть уровень життя низкий. Заробок тот выносил в р. 1933 в цілою Польщі 89 миллиардов злотых. Бюджет державы в том році выносил 2,206 миллионов злотых, коммунальные податки 317 миллионов, вклады до Кас Хворых 403 миллиона, в загалі публичное обложение выносило 2,977 миллионов злотых, то значит одну третью часть загалного дохода. То значит, же каждый, кто зарабатывал рочно 270 злотых, отдавал 90 злотых на податки.

Тоты цифы поясняют нам чом повстают дефициты в державном бюджете. От того часу положение не поправило ся, а радше стало ся планше. Народа прирастает около пол миллиона рочно, а запасы капитала в Польщі не подносят ся.

НОВЫ ЦІНЫ И НОВЫ ПОДАТКИ В СОВІТАХ.

Дня 1. вересня вступили в силу в Совітах новы ціны на зерно и другие рольные продукты.

По тым цінам платит держава в Совітах газдам за 1 тонну жита 102 рублі, а продає того само жито по ціні 1010 рублей.

Если принять, же вшиткы „посередники”, державны млыны, пекарні и т. д. зарабатывают на хлібі, штобы покрыти свои расходы, стане яснее, чом есть така велика різница между ціном, по котрой держава, як покупатель, платит за зерно, и том, по котрой держава продає зерно. Совітский гражданин платит за продукты в 15 до 20 раз вее, як газда достает за них от державы. Совіты обчисляют, же таким способом зарабатывают на рольных продуктах суму 17 миллиардов рублей рочно. Гроши тоты, то кривда хлопа, который мусит отдавати выпродукваны землеплоды задармо.]

ОТДОЛЖЕНЬОВА АКЦИЯ УРЯДНИКОВ

Урядничі организации приготовили проект отдолженьовой акции урядников. Проект тот, который будет предложенный до затверждения компетентным властям, предвиджує утворение комиссии, реєструющей долги урядников. Час отдолженьовой есть предложенный на 5 літ. В том часі одна пятая часть пенсий урядничих задолженных урядников, будет назначена на урегульвание долгов. Комиссия отдолженьова достанет по проекту гроши со скарбу державы и факсовых организации урядничих.

Конкретный план о отдолженіи урядников мають предложить урядничі организации в желтні т. р.

Г-Н. КУРАТОР ПРИНИМАЕТ УЧИТЕЛЕЙ ВО ВТОРНИК И ПЯТНИЦУ.

Штобы учителя не издили даром в своих делах до куратории шк. в Кракові, подає ся до відомости, же г-н. Куратор принимает лем два раз в тыждні, т. є. во вторник и пятницу от год. 12 до 14-той.

В инши дни г-н. Куратор не принимает никого.

СЕЛО ЖАДАЕТ БОРБЫ С КАРТЕЛЬЮ.

В різних сторонах краю отбыли ся сельские собрания, сликаны через сельские организации. На собраниях тых западали различные ухвалы. Между иншим, домогаются господам достосования выміра податкового до цін зерна, полной моратории рольных долгов на час одного року, понижения процентной стопы от организованных кредитов и интервенции правительства в отношении до картелей. Понадто жадают несправедливания волны, баволны и рыжу с заграницы.

На краєвых рынках есть дальша подвыжка цін зерна. Пшеницу платит ся тепер по ціні 18 злотых, а жито по 12-50 зл. за 100 кг.

СОПРУЖЕСКИЙ ЯРМАК
Интересный обычай румынский

В Альпах трансильванских удержал ся до тепер старинный обычай румынский заключения союзов.

Каждого року, под конец липня, на великой площі под гором Гана отбывают ся ярмак на невесты.

В назначенный день со вшитких доокружных сел и месточок приезжают молодые дівчата на ярмак. С нима приезжают их родичи. Молодежь мужеска приходит на ярмак другим дорогом. Торжество начинат ся богослужением. Пак вшиткы идут на означенное місце, где отбывают ся танцы до самого вечера.

Молодые дівчата сидят в товаристві родины и ждут на танцоров. Каждая дівчина має на малом столику вырезбленный с дерева, поменьшенный, цілий свой маєток так, же видиме там н. пр. малый домик, 60 маленких овечок и т. д. Хлопец переходит помедже столики и если дівчина, а также и вино, подобат ся ему, то втотчас просит ю до танца и по короткой нараді с родичами священник благословит чадо зараз на місце.

В том року на том ярмаку священник поблагословил в одном дні понад 400 союзов.

Што чути в світі.

На аеродромі во Франквурті в Німеччині удал ся перший лет на самолеті, порушаном пропелером при помочи силы людських мускулов, на котром французский летчик перелетіт перешло 195 метров на висоті 1 метра. При поновном леті, перелетіт летчик уж 235 метров на висоті перешло 1 метра.

В Селі Баркад на Венгрии дві родини випили молоко от коров покусаных бішеним псом. У всіх членов родин в числі 8 особ, выступили скоро признаки бішенства и они поумерали. Не дало ся их спасти аж и застриками, які приміняно в інституті Пастеура.

С Мальты доносят, же в продолженію неділі будут розданы газовой маски шест тисячам портовых работников.

В Америкі побудовано найбарже смертоносный военный самолет вагы 15 тонн. Самолет тот пролетіт 2.300 английских миль в 9 годинах, побиваючи всі дотеперешны рекорды тяжких машин. Апарат, названный летаючом твердыном розвиват скоростю 420-километр на годину. Цілий самолет єст покрытый парцерном бляхом, має пять панцерных веж, в котрых находят ся машиновы карабины и скоронесны арматки, 4 моторы по 720 коней мех. каждый, понадто радио-стацию отберательну и надавательну. Апарат тот може забраи 2 тонны бомб.

Англицкы газеты оголосили сензацийный проект бывшего дыректора Лойд Банка, Пене, предвиджуючий росписанє английской пожичкы в висоті 6 и пол миллиарда злотых (250 миллионов фунтов стерлингов) на ціли розбудовы флоты морской и воздушной. Пожичка тота мала бы поручити світові мир на 5 літ. По опинии проектодателя в том часі жадна друга держава не має можности поробленя так великих выдатков на вооруженє, як Англия.

С Рима доносят, же Муссолини дал приказ италийской армии перейти на территорию Абисинии дня 15 вересня т. р. Итальянскы войска в том дні переидут границу италийско-абисинску от стороны Ерытреи, переходячи погодивше на Андуу.

С Росии доносят о появленію ся медведей на границі польско-советской. Медведі поробили величезны шкоды серед домашней живины.

Заряджено ловы, на котрых убито 40 штук медведей.

В Испании боят ся новой революции. Во всіх містах арестує ся масово проводыров партий лівых.

В Босфорі коло Стамбула (Турция) затонул пароход с нафтом и ладунком 800.000 тонн олія, котрый розлял ся по морі.

Опасность запланя того олію єст велика и пожар такой был бы трудный до угашеня, што наробило бы великы шкоды. Власти остерегают пляжующих ся и подорожуючих пароходами, штобы не метали запланеных сірников до моря.

Парыж 6. IX. Два великы самолеты бомбовы, беручи участь в маневрах в Шампани, столкнули ся с собом в дорозі и упали на долину. Ціла залого обох самолетов утратило житє, а пятеро люда спалило ся. Причином катастрофы было густе захмареня и туман.

Вісти с краю.

Дня 15 вересня т. р. выберат ся в подорож до Америкы великий пароход трансатлантицкый „Маршал Пилсудский“ штобы от того часу безпрерывно курсовати на дорозі Гдыня - Нью-Йорк. „Пилсудский“ зст уряджений с великим люксом и комфортом и по послідным словам техники.

Министер Рольництва Понятовский переначил 900 зл. яко дар для села Ужинец на дополненє библиотеки и купно радио-апарата для місцевого кружка сельской молодежи. Єст то отличє для того села за оживлену роботу культуральну и кооперацийну.

Появило ся зарядженє, же всі емигранты, с Польши мають быти высланы через порты польского цельного терену. т. є. через Гдыню и через Гданск. Концесии на перевоз емигрантов достанут товариства лем под тым условєм.

Дня 5. вересня случила ся жель-дорожн. катастрофа на стации Верхуцин под Максимильоновым пов. быдгоского. На войсковый поїзд вїхал поїзд тягаровый идучий до Гдыні. Паровоз розбил 7 вагонов. С под розвалин добыто 11. вояков. тяжше и легче раненых и одного урядника стацийного.

В Крыниці в ночи на 5 вересня выбух пожар при ул. Пулаского. Спалили ся прибудовкы виллы „Рай“, в котрых містили ся склепы с істными артыкулами, фризьерский и кравецкый. Пожар повстал от занятя ся саджи в комині. Шкода выносит около 20.000 злотых.

Стережете ся вандровных гандлярей! Сельскы организации достают численны скаргы на практыкы вандровных гандлярей, котры ходят по селах с товарами. За иглы, шпилькы, ниткы, зеркала и т. д. выдурюют они от селян яйца, лен, полотно и т. п. За товар о малой вартости берут продукты о 100 до 300% дорозши.

Варшавска стация охороны рослин выслала до сел возванє, штобы сіяти озимину поздно. На вчасных засїах розвиват ся грозный для зерна шкочник, званий геска муха. Обсервации над літним поколінєм мух зерняных доказують, же в вересні геска муха може

выступити масово, тому лучше єст сіяти озимины в другой половині вересня.

На Сікорнику под Краковом найдено в кряках труп 14-літної дівчины, Юлии Герас, котру замордовали невысліджены преступники. Секция выказала, же смерть послїдовала от удушеня.

В 22 рочницу розстріляня через австрийскы власти православного священника на Лемковщині О. Максима Сандовича отбыли ся в тых днях в Чорном пов. горлицкого торжества в ціли отданя чести єго памяти, на котры пришло около 8000. По богослуженю в місцевої, нововыбудованой часовні участники пошли под гору за селом, на котрой находит ся памятковый обелиск, выбудованый и посвяченый минувшого року прав. епископом Симоном в асисті 22 православных священников.

До помешканя Осифа Возняка в Липинках пов. горлицкого вдерли ся в ночи бандыты, котры застрілили властителя. На місци явила ся сейчас полиция с комендантом Малиновским во главі и судя Маниловский.

Тепер ведут переговоры импортеры италийскы с лодскыма фабрикантами о доставу 300.000 дек до восточной Африкы. Италия має закупити в Польщі также килькасот вагонов бандур в звязи с увеличенным запотребованєм на провлянты.

ПРОДАМ СЕЙЧАС
пасіку
зложену з 15 улей

ПО НИЗКИХ ЦІНАХ.

ИНФОРМАЦИИ
В РЕДАКЦИИ ЛЕМКА
В КРЫНИЦІ.

РЕЗУЛЬТАТ ВЫБОРОВ.

В окрузі 86, обнимаючом повіты Новый Санч и Новый Торг выбрано послами до сейма Якуба Бодзьоного и Яна Лободзинского.

РЕДАКЦИЯ НЕ ОТВІЧАТ:

50 зл. денно заробит каждый, кто займе ся продажом ревелацийного, патентованого вынахода. Каждый склепар, желаючи увеличити свои обороты, повинен держати в склепі наш необходимый каждому до штоденного ужитка артыкул. За офертами писати:

Венедыкт Волявский
Краков
ул. Рыдльовка 24.